


福建叢書 第一輯之八

福建省文史研究館編

明·侯官
韓廷錫撰

榕庵集

(二)



福建叢書 第一輯之八

福建省文史研究館編

明·侯官
韓廷錫撰

榕庵集
(二)

江蘇廣陵古籍刻印社

榕庵集

(明) 韩廷锡 撰

江苏广陵古籍刻印社 出版发行

扬州市凤凰桥 24—6 号

金坛市古籍精装印务有限公司印装

开本：850 × 1168 1/32 印张：38

1997 年 3 月第一版 1997 年 3 月第一次印刷

印数：1—350

广陵编号：97XZ · 197 定价：(精装 2 册) 160 元

韓子

文

三山韓錫晉之

刻李賀詩敍

詩騷之所自出也乃詩盛而騷忘則唐士過也夫唐士之忘騷非意乎忘之也意乎存之也意乎存而忘之唐士蓋不自知也今試合四唐詩讀之其胷中口中有不各擬一騷者乎惟其胷中口中各擬一騷而意而合之意

而合之擬騷愈肖去騷愈遠矣夫惟孤情狷
性遐寄苦搜而不從騷擬騷者乎不從騷擬
騷而其孤情狷性遐寄苦搜適與騷違求諸
唐士一人而已則李賀其人也吾嘗取賀詩
讀之取騷讀之如切反成韻兩而之焉其合
如線熒而起賀問焉若擬騷者邪必曰否即
就讀賀詩者問焉是擬騷者邪必曰否否則
其合者何孤情狷性遐寄苦搜屈子託焉李

予託焉不必徵其肯口中而其合者微矣
是故合四唐之士知詩者一人而已則李賀
其人也何者爲其能薄夫詩之所自出也

刻序工記敍

文章之體有能自成一位于千古之間而不
欲他有所附呂成名者勝爲附之其性情終
不相屬必詭呂析之而後已如序工記之于
周禮是已周禮缺冬官河間獻王取序工記

補之夫庠工信冬官職也而記之文則非周
禮之文也曰庠工記入周禮如賓嵇阮于鄉
飲酒筵中吾知其狄狄然不能終日也是故
必詭析之而偕其手于俞廷楷氏其偕手奈
何曰俞氏采冬官于五官之中而出工記曰
冬官固不缺也夫采冬官之無當于周禮猶
夫補冬官者也周禮知其無當而不得不聽
之所召自默召成工記之出也蓋周禮體正

工記體奇體正者其量大體奇者其智濇智
濇必詭呂出量大必默呂成其出夫而後片
工記乃得于千古之間而自成一位矣然則
讀序工記者何衡之由夫毋傷其不欲有所
附呂成名之意而已矣

手傭疏

予拙者斤斤守先人家法不設分毫有所出
入日用不足稱貸繼之而近季呂來百費交

集負券收賁者日數輩來咄咄自惟真出無
計欲說經書教授而賦性枯寂不樂群居使
違性而行必致狴索欲賣詩文酬應而受筆
迂回不能綺語且代人歌泣事類俳優因而
怱焉古之賢者不遇于世則自晦于傭梁鴻
賃舂嵇康鍛鐵徐穉磨鏡君公僧牛畢力于
己得錢于人受之者無媿予之者無損予甚
慕之嗟近世曰文取士不能舍文事曰傭故

予于誦讀之暇或選古人詩文或寫古人文集或篆隸冊卷或刻刊玉石有所成則費之計直受傭不設多取買者看此牌左小木牌上有楔目即扣予門付銀于禿頭小厮便攜所費者去管韓伯休費藥口無二價故予數之太不二價焉

畫像自贊

其貌儒其性愚卒歲幽居誦詩讀書咄何不

舍却文字之遠，曰歸于爾之初。

戒

錫于詩文篆刻書義之暇，偶一及之初，不能
工也。欲曰：鍾學成，乃應酬當世，而親炙嗜痂
者，輒曰：見命性不善辭，強顏應之，笑矣。不能
違心，曰：相媚是曰：遂有戒也。所不作者五所
不書者九所不刻者六。

所不作

逆在任官長詩文 賀壽及翰觀封贈一切
稱賀詩文 代作啟婚書祭文及一切文
代作一切對聯 募緣疏頭
所不書

逆在任官長冊葉手卷題頭 代人寫所作
詩文 墓誌銘篆額 墓碑墓牌等字 綸
音題頭 卿先生廳事牌板聯板 玉音
神廟牌板聯板 書簽

所不刻

遜在任官長印章

鄉先生印章

金玉銅

銀水晶瑪瑙等印章

五字呂上印章

連

兩連三印章

葫蘆香鑪等式印章

管有過東隣而戲其施者其施掩面避之夫
理宜避則避不自知其不必避也錫之戒有
侶于此故附呂解嘲

上董夫子

錫雖不善爲文焚甚自恚其文崔之惓尾猿
之惓臂方之于錫幾于近之其偶一拈弄不
過誦讀之暇聊以自怡至于應酬詩文一切
謙絕而在任官長尤所深戒蓋以身爲諸生
持牘應試之外皆爲出位且士不遇則當靜
默自守豈宜無介而輕肆其筆于當世賢人
也頃承教云曾爲來公撰文錫誠不知何所
從來或者同輩匆及欲求師銜知不可得已

錫在師青眼故藉此以希得銜耳秀才之見
往遲可笑如此災大甚可恨也其來者何人
不知可一聞否此小事無用自明恐事有大
乎此者大以此術行之則所損不小耳

讀序工記贊

有敍

予無坐性讀書尤甚手牘趨庭疾則
記速故所讀書不能有所贊誦戊辰病
後守醫戒坐而讀書故讀已輒贊之災

則有志讀書者何可不病乎

古文有字法而序工無之非無字灋也字字
法也古文有句法而序工無之非無句法也
句句法也古文有章法而序工無之非無章
法也章章法也呂視六經何如曰六經如日
序工如火六經如龍序工如馬其不能龍也
日也所呂不可耦六而爲七惟其能火也馬
也所呂可辭六而自成其一

讀韓退之集贊

覆相之奧曰搖驟相之質曰拙衡相之奇曰
北縮相之古曰晬囁曰擷粹曰齧怒曰茁門
曰齷人士曰韓子骨苦曰揭辨如髮

讀柳子昂集贊

有若錐矣錐之所刺其達必深膚磔血殷痛
危薄心柳子于文鑱刃獨苦茹精籛膚尊害
于古藥曰居之破穎而出與韓並驅如月耦